

raportascha Tuatschina «Street Food Festival» - 08-03-2023 / (Laura Loretz)

INDOOR STREET FOOD FESTIVAL

Di internazional dallas dunnas - *Indoor Street Food Festival*

Umens san ins surplidar, dunnas ston ins perschuader

(Citat Barbara Streisand)!

da Laura Loretz

Tals citats ein squitschai e publicai ils 8 da matg ent tuttas medias. Negin vul munchentar ni ignorar il di internaziunal dallas dunnas. Quei ei bien aschia! Nus enconuschin tuts las raschuns e las finamiras da quei di. Perquei engraziels a tuttas protagonistas ed heroxas historicas e presentas che han giu ed han la curascha pil cumbat. In cumbat per conquistar dapli. Nus havein il cletg dad haver enta maun sez nies agir. Tuttas han buca quei. Perquei lein tener en moviment nies siemi da saver possibilitar a tut nossas amitgas sin quei mund in mintgadi cun atgnas decisiuns.

L'Uniun da dunnas Tujetsch ha celebräu uonn quei di tut aparti. Ellas han

envidau tuttas dunnas da nossa val ad in «Indoor Street Food Festival». L'idea era da possibilitar a tuttas dunnas in biala sera da s'entupar e star da cumpignia cun guder las buontad tratgas da differentas naziunalitads. Quei ei per ver stau il punct sigl i. Nus havein bia dunnas ella val che han ragischs ordeifer la Svizra. E gest tier entginas dad ellas ha la suprastonza dall'Uniun da dunnas Tujetsch spluntau. Alla suprastonza eis ei stau impurtont da saver unir tuttas dunnas ad in eveniment. Quei ei definitiv reussiu ad ellas. In grond compliment. Ina roscha buobas, giuvnas e dunnas han astgau passentar ina sera extraordinaria.



28

INDOOR STREET FOOD FESTIVAL



Nus havein giu la cuida d'astgar guder tratgas dalla Spagna, dil Portugal, dil cantun Uri, dalla Sri Lanka, dall'Italia, dall'Ucraina, dalla Tailandia e dil Holland. Nus havein perfin survegniu purschiu sanadaivels e savurus smoothies. Allas cuschinieras da quella sera in grond grond engaziel fetg per vossas breigias. Senza quella beinvoglientscha e lavuruna havess l'ingredienza principala da quella sera muncau ed ei fuss buca stau pusseivel da menar atras il festival sco previu. El num dalla UDT in grond engraziament e laud. Quei ei stau delizius! Magliar unescha e colligia. Tgei bi inscunter.

El num da tuttas participontas da quella sera admittel era in grond laud all'Uniun da dunnas Tujetsch. Nus haveis tucchau cun quella sera nos cors. L'organisaziun ei gartegiada dil

tuttafatg. Ei ha per ver constau tut. Vus tschun haveis offeriu da cor e cun in surrir buns sitgs sco era in buffet da desserts e procurau per in'atmosfera adequata. En in ambient cun fluras e candeilas sesentin nus dunnas pil pli bein.

Vossa sera ei stada in success, engraziels!



29